

Pesta Makanan Etnik Damai

MARLINDA MARDZUKI

KUCHING, Khamis — Pusat peranginan terkenal, Damai Beach Resort (DBR) akan mengetengahkan menu makanan tradisonal Sarawak melalui pengajuran Pesta Makanan Etnik Damai 2013 bermula 11 hingga 12 Mei ini.

Pengurus Besar DBR, Zulkifli Othman berkata, pesta yang berlangsung selama dua hari itu diadakan bagi menarik kedatangan pelancong dalam dan luar negara ke DBR sekali gus menjadi platform untuk para pengusaha tempatan mempromosikan produk makanan tradisonal masing-masing.

Menurutnya, selain memiliki kepelbagaian budaya, Sarawak turut mempunyai pelbagai makanan etnik yang lazat dan berkhasiat yang mampu menambah selera pengunjung tempatan dan pelancong asing.

Dengan adanya kerjasama daripada Perbadanan Pembangunan Ekonomi Sarawak (SEDC), penduduk Kampung Santubong, Kampung Buntal, Kampung Sun

gai Lumut serta para pengendali makanan yang popular di Kuching, pesta ini sudah pasti dapat menarik lebih ramai masyarakat khususnya pelancong untuk datang ke DBR demi mencuba makanan etnik dari negeri Sarawak, ujarnya.

Beliau berkata demikian kepada pemberita pada sidang media Pesta Makanan Etnik Damai 2013 anjuran DBR di Pejabat Jualan DBR, Tingkat 1, Sarawak Plaza di sini pagi tadi.

Turut hadir, Pengarah Pelancongan dan Bahagian Riadah SEDC, Edwin Abit dan Setiausaha Kehormatan Pertubuhan Kanser Kanak Kanak Negeri Sarawak (SCCS), Ramli Mamat.

Mengulas lebih lanjut, Zulkifli berkata, sebanyak 40 gerai makanan tradisonal termasuk gerai yang menjual barangan kraftangan dan cenderamata disediakan untuk kemudahan para pengusaha tempatan dalam memperkenalkan produk masing-masing.

Antara produk makanan tradisonal yang akan ialah laksa Sarawak, mi kolok, umai, ayam masak pansuh, linut, midin bela

can dan lain-lain, jelasnya.

Pada masa yang sama, tamabahnya, aktiviti seperti Pertandingan Memancing, Persembahan Kebudayaan dari penuntut Universiti Malaysia Sarawak (UNIMAS), Bermukum dan Berjogget, Pertandingan Memasak serta Pertandingan Mewarna turut diadakan bagi memeriahkan lagi acara tersebut.

Sehubungan itu, katanya, pihaknya mensasarkan seramai 2,000 hingga 3,000 orang yang akan hadir pada acara itu nanti, memandangkan penerimaan daripada orang awam setakat ini, adalah amat menggalakkan.

Sehingga ke hari ini kita telah berjaya menjual banyak kupon untuk pesta tersebut dan untuk itu, kita menjangkakan jualan akan terus meningkat, katanya.

Oleh itu, Zulkifli berkata, orang ramai dipelawa untuk hadir ke Pesta Makanan Etnik Damai 2013 yang diadakan di DBR mulai jam 10 pagi hingga enam petang.

Bagi sesiapa yang berminat untuk mendapatkan kupon untuk pesta ini, mereka boleh menghubungi pihak jawatankuasa

pengajuran, Cik Hayati di talian 082 846999 atau 016 8737642 atau melalui emel di hayati@damaibeachresort, ujarnya.

Dalam pada itu, beliau memberitahu pihaknya juga menjemput kanak-kanak dari Pertubuhan SCCS dan Rumah Kanak Kanak (RKK) Kuching untuk turut sama menyertai acara itu.

Kita menjemput 20 kanak-kanak masing-masing dari SCCS dan RKK Kuching untuk menyertai acara ini dan berharap acara ini akan mencekuri mereka dengan pelbagai aktiviti menarik, katanya.



JEMPUTAN ... Zulkifli Othman (kiri) bersama Edwin Abit (kanan) menyampaikan replika kad jemputan kepada SCCS pada sidang media Pesta Makanan Etnik Damai 2013 anjuran DBR di Pejabat Jualan DBR, Tingkat 1, Sarawak Plaza di Kuching, semalam.